

古今圖書集成

中華書局影印

第一七三冊

方輿彙編

職方典

平樂府部

梧州府部

(卷)

一四三—一四六

一四九—一五二

欽定古今圖書集成方輿彙編職方典

第一千四百二十三卷目錄

平樂府部彙考一

平樂府建置沿革考

平樂府疆域考

平樂府星野考

平樂府山川考一

職方典第一千四百二十三卷

平樂府部彙考一

平樂府建置沿革考

本府

府志

禹貢荊州之域周爲百粵地秦置桂林郡時平樂以臨賀縣屬焉漢置蒼梧郡析臨賀地置富川荔浦爲縣三皆屬蒼梧隸交州刺史三國吳時分零陵郡地置始安郡即今桂林府析荔浦始置平樂縣與臨賀富川荔浦爲四皆屬始安隸荊州自隋以後廢置不一唐武德四年以始安之平樂縣置樂州領平樂恭城龍平立山四縣治在荔浦江口武德八年徙今治貞觀八年更昭州析平之走馬坪置沙亭縣隸嶺南道五代屬南漢宋開寶中仍爲昭州隸廣南西路元大德六年陞州爲平樂府明洪武十年廢賀州爲縣與富川俱屬府合平樂恭城龍平立山爲六洪武十八年省立山入荔浦省龍平入平樂成化十三年廢立山縣直隸末安州弘治四年

以求安州及桂林之荔浦修仁來屬萬曆四年又以廢龍平置昭平縣割平樂二里屬之皇清順治八年始入版圖制悉如明領州一縣七平樂縣

萬曆四年廢龍平置昭平縣割平樂二里屬焉平樂僅存上下二廂東鄉樂山津平三里嗣因復建縣學仍於昭平撥回安樂里錢十一戶以充廩糧貢額

皇清因之編戶二鄉四里按通志本漢蒼梧荔浦縣地吳析置平樂縣隸始安郡唐初於縣置樂州後爲昭州宋以永平縣省入元屬平樂府恭城縣

離府城八十里夏荊州之域周百粵地戰國楚粵之交秦平百粵置桂林郡時平樂以臨賀屬焉漢元鼎六年平南粵爲荔浦地置蒼梧郡析臨賀地置富川荔浦爲縣三皆屬蒼梧隸交州刺史恭城未設縣爲蒼梧地三國吳分零陵郡地置始安郡今桂林府析荔浦始置平樂縣與臨賀富川荔浦爲四皆屬始安隸荊州隋大業末蕭銑據始分平樂地置縣曰恭城隸始安唐武德四年以始安之平樂縣置樂州領平樂恭城龍平立山四縣武德八年更樂州爲昭州恭城仍隸焉五代屬南漢劉鋹宋開寶中仍爲昭州隸廣南西路元大德六年陞昭州爲平樂府恭仍隸之明洪武元年楊璟兵克靖江路論邑下之仍屬平樂府

富川縣

離府城二百三十里秦蒙大玉爲郡縣漢武元鼎六年定越地爲蒼梧郡始置縣曰富川晉武帝時以富川屬蒼梧郡蓋始安郡改富川爲屬縣唐高祖改臨賀爲賀州以富川屬之太宗陞富川爲富州初漢武元年置平樂府屬州爲富川縣屬賀州漢武十年置平樂府屬富川等縣二十八年徙縣治并守禦千戶所二十九年城富川初縣無城是年征蠻將軍韓觀疏請始建

皇清因之編戶六里

賀縣

離府城二百四十里周百粵地秦平百粵賀屬臨海郡秦末并其地爲南粵國漢元鼎六年平南粵爲臨賀縣隸蒼梧郡三國屬吳爲臨賀郡領蒼梧之封陽等六縣隸荊州設官同漢制六縣謂臨賀封陽謝沐馮乘興安富川也晉武帝大寧二年仍爲臨賀郡隸廣州領六縣如吳制懷帝永嘉元年以臨賀郡隸湘州南北朝宋武帝末初二年爲臨賀縣屬零陵郡隸湘州又改爲臨慶郡領六縣仍隸湘州泰始六年追改休倩臨慶王以臨賀郡爲臨慶國立第八子暉爲王食邑二千戶繼休倩後齊爲臨賀國有臨賀王子嶽梁武帝分臨賀置南寧郡又改靜州即今平樂府陳爲郡有臨賀王叔攸隋文帝開皇十年爲賀州屬永平郡煬帝大業元年改爲臨

賀郡後改綏越郡舊志載大業元年廢臨賀蕩山及富川屬始安郡隸越州唐高祖武德四年辛丑爲賀州統臨賀郡領六縣太宗貞觀二年如武德制八年以綏越還賀州五代南漢主劉晟盡取廣南西路其州郡設官仍唐制宋仍爲賀州原屬廣南東路徽宗大觀二年五月割屬廣南西路領臨賀富川桂嶺三縣南渡後屬廣西路元仍宋制明洪武元年三月平章楊瑄遣指揮蔡先撫諭收集土兵歸附在城里各軍籍

皇清因之編戶二十一里

荔浦縣

離府城七十五里漢武帝元鼎六年定粵地爲七郡曰南海曰蒼梧曰鬱林曰合浦曰交趾曰九真曰日南蒼梧之屬十其一曰荔浦是也荔浦之有縣自此始三國吳析縣西地置建陵縣即今之修仁縣析縣東昭潭地置平樂縣則荔之爲邑在平樂修仁二縣之先宋熙寧四年以永寧縣廢爲鎮并入荔浦明洪武元年改靖江府爲桂林府領縣十荔浦屬焉始建荔浦縣城明弘治四年以荔浦縣改屬平樂府

皇清因之編戶五里按通志舊屬桂林本漢舊縣屬蒼梧郡吳屬始安郡隋屬桂州唐以縣置蒙州後州廢仍爲縣屬桂州

修仁縣

離府城一百零五里漢三國吳甘露年間始置建陵縣唐曰晏州後名修仁今因之屬昭州舊立於馬浪坪後遷於霸寨自明成化十七年始邑於五福嶺即今縣是也按通志舊屬桂林府本漢荔浦縣地吳析置建陵縣梁立爲郡隋初省郡復爲縣屬桂州唐貞觀初於縣置六州尋廢復爲建陵縣長慶中改修仁縣宋元明俱仍舊

皇清因之編戶二里

昭平縣

離府城一百七十里秦漢以來爲臨賀地梁析臨賀太平嶺之地置南靜郡附郭爲龍平隋廢郡以縣屬始安唐武德中以故南靜地置富川開江郡析龍平縣置思勉馬江合龍平爲三縣屬焉宋開寶中廢州省思勉馬江入龍平屬昭州熙寧中改屬梧州元豐中復屬昭州宣和改名昭平元復爲龍平尋省入平樂縣明萬曆四年復立昭平縣隸平樂府

皇清因之編戶十里

永安州

離府城一百二十里自秦置桂林象郡因蒙山蒙江猥以蒙州名創建州治於今州之南十有五里越漢草寇攻廢洪武八年乙卯冬建造立山縣近今城北里許隸樂州樂州即今平樂府也洪武十七年賊首黃日暖作耗攻破立山縣廢縣治於古眉峽中設立古眉巡檢司洪武十

八年草寇攻毀古眉巡檢衙門巡司印信付土官廖以成收管洪武十九年丙寅奉文委官黃斷事前來招撫成化十三年議者以其地處萬山之中民少而猖獗多稍失控馭則爲害莫測特允都御史朱英之請斬棘開路築城墾池遂改爲永安州去古眉二十里即今治

皇清因之編戶五里

平樂府疆域圖



平樂府疆域考

府志

本府

東至廣東連山縣上崗營三百八十里

西至桂林府陽朔縣劉公灘十五里

南至潯州府平南縣五屯所各二百五十里

北至復興桂林府灌陽苔塘嶺相距一百四十里

東南抵梧州府蒼梧縣穴口三百零五里

東北直接湖廣永明縣泊數三百八十里

西南通柳州府雒容永福象州三州縣界址相連各一百八十里

西北又與桂林府臨桂縣圍山嶺接壤山險路回有三百四十里

自本府至

京師八千三百七十二里

平樂縣

南三十里至龍頭磯四十里至廣運驛六十里

至足灘又二十里至雷露堡二十里至昭平縣

東五十里至榕津十里至滑山二十里至沙江

四十里至白霞司又四十里至鍾山鎮七十里

至富川縣自鍾山鎮南走八十里至賀縣

東北四十里曰沙子鋪又三十里平樂界又十

里至恭城縣

正北三十里曰白面村又三十里至陽朔縣

正西十里平樂界又二十里曰雞冠堡又二十

里曰延賓江又二十五里至荔浦縣

恭城縣

東與富川縣界

西至本縣八角巖有山路與陽朔縣界

南與平樂縣界

北與湖廣永明縣界

東南與平樂縣界

東北復興湖廣永明縣界

西南復興平樂縣界

西北至本縣島平嶺山有山路與臨桂縣界

自本縣至府一百里

富川縣

東抵湖廣江華界

西抵恭城縣界

南抵賀縣界

北抵湖廣永明縣界

自本縣至府二百六十里至省城七百里至

京師七千八百六十里

賀縣

東與廣東連山縣界

西抵昭平縣界

南抵廣東開建縣界

北與湖廣江華縣界

東南與廣東連山縣界視東較遠

東北復興湖廣江華縣界視北較遠

西南與梧州府蒼梧縣界

西北與富川縣界

自本縣至府一百八十里

荔浦縣

東至平樂縣界五十里

西至修仁縣界二十里

南至永安州界十五里

北至陽朔縣界四十里

西北與永福縣界

自縣至本府六十里至省會二百里至

京師水路七千九百二十里陸路七千二百里

東西相距延七十里南北相距五十五里

修仁縣

東至永安州界十五里

西至柳州府雒容縣永福縣界一百里

西南至柳州府象州界一百里

南至大峒諸嶺層巒疊嶂綿互數百餘里達潯

州府平南縣界

北至荔浦縣界四里

由縣東歷荔浦至本府共九十里由縣北歷陽

朔至省共二百四十里

昭平縣

東至賀縣水東村一百四十里

西至永安州牛矢村六十里

南至梧州府蒼梧縣龍江驛一百五十里

北至平樂縣龍灘堡四十里

東北至富川縣龍潭寨一百六十里

東南至梧州府蒼梧縣上古攬水一百八十里

西南至五屯所栗攬堡二百五十里

西北至永安州佛泉六十里

由本縣至府二百里

未安州

東至昭平縣界五十里

西至修仁縣界九十里

南至藤縣界三百一十里

北至荔浦縣界八十里

自本州至府一百一十里

形勝附

一統志

府總

昭潭志居蒼梧始安之間與清湘九疑犬牙相

制自靜江至梧灘瀧三百六十所至昭而中分

由昭上至靜江不甚險惡由昭而下至蒼輒多

銳石灘高而水激

裴氏記自九疑之南崇山峻嶺高排霄漢縣互

數百里山清水秀此則賀之境也

郡志環以縈密羣山匯以灘樂二水喉襟嶺表

此則平樂之勝也

平樂府星野考

府志

府總

平樂府禹貢荊州之域其星當鸛尾翼軫分野

風氣多熱少寒草樹秋杪而不凋花卉冬初而

見艷地界五嶺之間峯巒迴合山林水石之氣

時溢爲霧四望昏蔽咫尺莫辨是名曰嵐深山

疊嶂爲壑城郭爲輕行旅勞役之人易染貴人

靜女事多無恙又地氣雖恆煥天氣無常不開

四時晴霽便熱或有風雨俄頃便寒將藏稍失

百病橫生此又在水土氣候之外但能慎起居
禁嗜慾蓄精氣養空虛雖以昭州爲中原可矣
惟富川氣候近衡岳與府大殊四時多風其聲
烈甚隆冬有雪草木凋其餘七屬不甚相遠

平樂府山川考一

府志

本府平樂縣附郭

昭山 在城西灘樂二水前有巨石起江中方

正如印名印山唐州名昭以此上有點翠亭

鳳凰山 在縣城東北勢如飛鳳

東山 在城東二里舊有鎮粵臺久廢

西山 在城西岸舊有天繪亭久廢按一統志

在灘樂二水合流之處有巨石徑百尺屹立水

中如龍戲珠狀

南山 在昭潭南岸雙峯挺出峯下有巖舊有

資聖寺俗呼屏風山

北山 在城北舊有白太寺久廢

掛榜山 在昭潭南岸識云榜山見崩兄弟同

登

獨秀山 在南山前高數十丈峭峻特起

五馬山 在南岸突起五峰中一峯高聳端圓

與郡治相對因名

華蓋山 在城西十里峯巒閃爍俗呼火焰山

展誥山 在華蓋山之西

密山 在城北十里數峰迴環合擁縣治

縈山 在城東南十里高二百餘丈紮迴曲折

上有九峰曰高崖羊欄月巖兜鑿馬鞍踰蹠石

劍丫髻爭妍競秀寰宇記山中多木客行坐衣

服不異於人時出市貿易

雲山 在城東南四十里四垂如雲

笏山 在城西北二十里左江道宋翔題有萬

笏朝天四大字

眉山 在城東南九里峰巒聳秀宛如眉黛

疊秀山 在東鄉里筆頭堡南三里高數丈舊

名八公山

魯溪山 在疊秀山東五里環跨平恭富賀永

五州縣上有塘方廣數畝俗呼分水塘產蒼香

草塘水出平樂東鄉曰魯溪溪出龍平巡司曰

湧源出恭城曰上平江出富川曰白稿江

誕山 在樂山里有譚氏二仙女祠下有泉

水

團山 在城東十五里有堡

穿山 在樂山里三峯並立半壁開一大竅圓

廣數十尺可通行識云平西富多不出官出門

三步見山穿

聖山 在樂山里巍峩插天談氏二女尸解於

上

旗山 在城東四十里

銅鼓山 在城西四十里

目巖山 在府城北三十五里其巖間有兩目

如人眼極大瞳子黑白分明因號目巖

龍巖峯 在城北五里邑治之祖山按一統志

宋鄒浩謫居時作得志軒記云有峰數十仞曰

龍嶽即此

僊宮嶺 在城西二里高百尺餘四望形如金

字一名金字嶺

桂嶺 在城東五里

天門嶺 與賀縣界上有石

牛嶺 在東鄉里筆頭西北高數十丈其形如

犀

昭潭岡 在城東灘樂二水匯而為潭按一統

志在昭潭之北昭潭以此得名

黃牛岡 在金字嶺後有大石狀如牛

滴珠巖 在城東三里水從石巖而下舊名滴

水巖

月子巖 形如斜月外狹中寬

珠巖 在城東十五里石洞內玲瓏曲折中一

石圓如珠知府羅黃裳更名曰迎僊洞

白雲巖 在城東七八里聚林蒼蔚中有洞門

翼然古藤盤繞雖盛暑如居冰屋有石類蓮花

者類彌勒者類鐘磬扣之鏗然者類犀角者洞

外百餘步澗水潺湲兩岸陡絕人跡罕到

龜巖 在城五里

目巖 在津平里頂左右有兩小巖宛如人目

風土記謂其黑白分明

瑞山巖 在東鄉里大寨村高十有餘丈有四

巖曰高巖下巖癸水巖大口巖世亂村民避居

於此

羅山巖 在樂山里布井村有水深闊乘筏渡

之由一黑運乘獨行百步有竅通巖緣梯而上

坦平可居且避寇焉

月巖 在石面半山中一巖虛圓如新月

走馬坪 即沙亭縣廢址在城東南十里許

鼓鑼峽 在龍頭磯下二里石如鼓鑼

龍門峽 在城東南百餘里府江中一名松林

梅子峽 在東鄉為恭城界

桐木峽 有堡

石梯峽 在津平東鄉界石級百步而上雙峰

插天如筆四望嶙峋

陶李洞 在城東南九十里唐太尉陶英與李

太尉謫昭州即居此

樂川 源出富川上鄉越恭城至郡入灘

灘江 在城南源出興安海陽山東南流經靈

川臨桂鳴朔至縣合樂荔二水下蒼梧至廣州

府入於海戈船將軍下灘水即此

湖塘江 在城西七里荔江口合修荔諸水入

於灘

沙江 在東鄉里源出四十里山西流入魯溪

至榕津與誕山江合下津平里入樂州

誕山江 在樂山里源出誕山北流至榕津與

沙江合

府江 即府治灘江曰府江者別於左右二江

也兩岸皆山為灘三百六十洛江大桐小桐歸

化思勤思庇馬江皆府江旁水入於灘

荔水 源出修仁過荔浦至郡入灘

樂川水 在府城西源出道川西入灘江

平溪 在城南三里水流於昭潭按一統志曰

平樂溪在府東二里東流至昭潭合灘江

昭潭 在縣城東一里按一統志曰昭潭潭在

城東二里考樂澗口下有十六灘

考樂澗 在城東一里源出龍嶽峯按一統志

在府東二里源出山谷幽遠深邃

考樂澗口 一名廻龍津萬曆中副使翁萬達

勒東岸巖石云細魚乃民食所關不能絕斷廻

龍津改名放生潭

虎埠灘 在津平里樂川之中

滑石灘 在城北十里灘江下界陽朔

鯪魚灘 在城西北滑石灘下

更鼓灘 在城西五里荔浦江口知縣迎送上

司止此以上四灘冬月水涸畝得麥莢而渡原

有哨堡守焉

韭菜灘 在城東五里昭潭之下

三門灘 在韭菜灘下有二石對峙水中分流

為三門

龍池 在舊府學西源出龍池上有仙妃廟

涵清池 在儒林橋西四時不涸

養化池 在舊府學西

金沙池 在府治東南隅金沙井下塘背庵前

是也唐詩繩爛金沙井即池上之井近為僧填

塞

清香池 即慶林池在縣治北

木良塘 在城北嘉應廟前俗呼周王塘按一統志朱鄒浩得志軒記仙宮嶺下有塘數十畝即此

龍溪塘 在樂山里有洞壑泉從石洞中湧出泉匯一塘塘深田高不可以灌

玉山泉 在龍門峽石上刻有治平三年沈紳書

金沙泉 在府治東半山其泉清冽能蘇瘴癘一名劉氏井

溫湯泉 在馬江里從山下出四時常溫

敬公井 在龍興觀唐刺史敬超先沒

魯般井 在東山寺按一統志在考樂澗西明解縉詩魯巧何年沒鑿成銀牀深護土花青下通海底雙龍穴上映天文列宿星

梅公井 在城隍廟前宋梅摯沒

感應井 在府城北宋鄒浩謫居昭州以江水不可飲汲於數里外後所居嶺下有泉湧出因名曰感應泉及將北歸數日前泉乃涸旋有人至門厲聲呼曰侍郎歸矣求之不可見翌日果拜命楊時挽詩泉甘不出戶客至豈無神指二事也今嘉應廟側有侍郎井即此

恭城縣

鳳凰山 在城東二里兩巒開豁中峯昂聳如鳳舊縣址在其下

五馬山 在縣南一里五峯亭立如馬奔躍來朝邑堂

三台山 在縣南三十里儒學寶山三峰聳翠

形如筆架傍有馬鞍山

印山 在城西二里

曬袍山 在縣西南三里春夏草碧為綠袍秋冬野燒後為青袍能占晴雨若天時久不雨觀其山頂有雲霧而雨即至若雨久而四野開霽其山雲氣不散則雨必不晴邑中謠有出門莫問天但看曬袍山殊驗每遇早年鄉人所雨於山無不奇應

二童山 在縣西五里鄉舉多聯發

獅子山 在縣西

銀殿山 一名兼山在縣東三十里有得道人號兼山先生深明性學按一統志在縣東二十八里常有白雲繚繞其上遠視如宮殿其下有鍾乳穴十二

甘巖山 在縣城山有泉甘美

鵝山 在城南八里

金龍山 在縣西二十里日落時有龍繞山

筆山 在城南二十里對峙學前

天馬山 在城南八里對峙學前

馬鞍山 在城東五十里

冬熱嶺 在城西五里高峻行者寒天汗浹

鳳巖 在縣北七十里解元周嘉賓讀書處

佛巖 在縣六十里宋進士田開讀書處
峻巖 在縣北六十里宋進士周述讀書處
金芝巖 在縣東五十里按一統志高二丈許上有石乳垂結如芝
福田巖 在城北二十五里中建寺

石角巖 在城東三里

穿巖 在縣西十五里山石峻聳中空玲瓏洞口闊二丈餘高如之水自島坪源來巖中流過山石橫跨水口如象鼻如伏犀魚舟洞中出入棹聲人語嚮喀如雷潭水沉碧色深莫可測旁有石柱高與巖齊圍數尺若珊瑚樹擊之鏗然如鼓一邑山水之奇勝無逾於此

飯頭山巖 在縣北十里宋寶祐元年進士周元鸞刊有文記高險難登好事者間一攀躡見壁間詩文為巖溜蝕盡僅存石瘦梅枯花數點月明風靜鶴雙棲之句

魚田巖 在縣西三十里八角巖村泛舟從巖口入凡數折而見白沙鳥語花香非復塵世沙平水曲樹斷雲連使遊者忘歸竟不知身之在巖也

蓮花石 在縣西二十五里

風石 在縣北七十五里擊之生風有靈迹

鯉魚石 在縣東橫互江中形似魚

黃牛石 在城南似牛

西水江 從島坪出流會大江按一統志南流合樂川

南坪江 在城南二十里源從勝峒出會大江

平川江 在縣北七十里其源出平川南流合樂川

北洞源 水出銀殿山流於葛溪入大江在城東十五里

島坪源 在城西三十五里

勢江源 在城東四十里源從申家舊出會大江

蘇陂源 在城西四十里出會大江

坪川源 在縣北九十里出會大江

下山源 在城東十五里流入大江

葛家溪 在恭城縣東西流合樂川水

富川縣

馬鞍山 在縣治東一里有文昌閣嘉靖三十四年僧大銘募建

鳳凰山 在縣南其下有雲梯嶺

朝冠山 在鳳凰山稍西

穿山 在鳳凰山東十里其上有巖曰僊巖本府同知陳珖遊此更今名洞門有垂石以挺杖之一若磬一若鼓又有蒼藤數根從上直下形如石柱其上蓋覆之石有五色形如蓮花有乳滴下夷坦可坐十數人又有深潭潺湲然莫測其去來又有石梁真奇境也周篤業修之今益增勝

虎山 在縣東二里計有巖曰龍水門僅容一人四面峭壁不可上下其中則平原曠曠居民百餘家儼然一桃源也

石門山 去縣二里門客一人四面峭壁不可上下

豹山 去縣三十五里其山陰有洞焉是日山岫無雲則晴有雲則雨農望之膏驗

隱山 去縣四十里潛德岩在焉內有林公石牀四大字元豐二年林通識

通山 去縣五十里有洞曰祥雲

屏山 在縣西三里

靄石山 在縣北一里

白馬山 在縣南二十里相傳曾有白馬懸輻於此故名

文筆山 去縣五里兩峰突聳如雙筆然

穿石山 在縣西四十里有岩焉夷明道人莫公居此

峽頭山 去縣二十五里富水經焉

東山 在縣東南九十里其上梓梗巨木多產焉俗呼為姑婆山其高參天跨三廣凡富賀征剿餘黨悉遁匿於此又由桂嶺入府江

馬頭山 去縣十里形如馬首故名郡志舊載有歌山泰山蓋唐析馮乘以北屬江華則此一山已入江華界非富川界內所有矣

白雲山 在縣西南一百二十里乃丹霞福地

龍溪山 在縣北五十里龍溪之水出焉

丹竈山 在縣南一百二十里下有竈溪相傳漢時張道陵取此水煉丹至今丹竈猶存宋陶弼詩羽客朝元地遺壇古樹中煉成丹竈在騎去鶴巢空

泰山 在縣北一百八十里高二千餘丈北連道州荆州記吳孫權時此山夜雷暴震開為六洞有石鼓石壇在焉

歌山 在縣境昔馮乘有老人自少不婚善詠聞者流涕及病將死鄰人送之此山老人歌以別之餘聲數月不絕

郎山 在縣東北五十里中有穿石巖傍有石竈煉丹之所又有石基局石上書請尋樂處四大字宋時鬱榮拙林御史隱此

寶劍山 在縣八十里一石如劍故名

鐘山 在縣七十里鎮城之中其石扣之如鐘因名

龍頭山 在縣五里碧溪之水出焉

獨秀巖 在縣三里內有石窠有石甕相傳以為古人曾讀書於此

桃母巖 去縣四十里

秀峯 去縣七十里平地突起數十仞毛氏族居於此

長標嶺 去縣九十里唐李靖次師於此人德而立廟今有祈禱輒應

碧雲洞 去縣里許其中寬敞深邃奇異萬狀

高處有廣陽島三大字旁有古刻云古計趙善政養民罷臨賀郡丞趙八桂以乾道己丑二月十二日止富川拉邑宰張重起丞李紳元石士強簿阮瀚目披雲亭遊此洞按一統志廣陽島三字遠望極明近視如壁絮狀

富江 發源於靈亭之鄉逕過而南合神源之水東經於縣治會賀水而入於海其中多石

橋頭江 在縣南三里瀘溪之水出焉東流注於富江以下又合將軍之水過峽頭至鐘山會賀水而入於海

西溝水 發源於西屏山經縣之南會於富江其口有平石有屹立石有員石去少許有塔峙

焉

碧溪 在縣南五里

龍溪 在縣南張道陵取水煉丹之處

秀溪 去縣七十里發源於石姑合末之沐水

昭之灘水下蒼梧而入海

洋溪 在縣北十里許山巔有龍湫天旱祈雨輒應

漢源 在縣北二十里由塘背而北流合九嶷

下大江

白葉澗 去縣百餘里源出沙平流合灘江

龍泉 在縣南郭水自石中流出冬夏不涸故

老相傳曾有人於此沐浴見二老圍碁及有金

銀器皿以手取之隨出隨沒

犀泉 在縣東五十里本府知府袁衷有詩

溫泉 在白霞

黃侯井 元末靈亭鄉賊起多置藥草於水黃

公率兵經過恐中其毒開此井以汲水鄉民賴

之故今號曰黃侯井

黃城井 在分司右

西城井 在救護塘邊

北城井 在萬石後

東城井 在城隍廟前

賀縣

瑞雲山 在縣西十里高千餘丈舊名幽山宋

元祐四年郡守鄧闢見此山四時雲氣氤氳故

名瑞雲

甌山 在縣西十里唐李卻出刺是州山有彩

烟覆其上旬日不散遂易名瑞雲山宋郭祥正詩賀州城西丹甌山一亭遙插紫雲間龍堦讓策名猶在崔駟凌風去不還

玉印山 卽浮山也在縣東南十里立江中洪濤泛漲而此山挺出塞一邑水口上有陳侯祠迎碧亭

海螺山 在縣南十五里山中有石如螺故名嶺有泉清澈四時常滴下江滴水巖是也

橋山 在縣北二十里有七十二峰以其多橋故名唐時此山有銅冶

五指石山 在縣南八十里在信都谷中有石佛一尊

臨賀嶺 在縣境北六十里爲五嶺之一卽今謝嶺是也按張耳傳秦南有五嶺之戎廣州記云大庾始安臨賀桂陽揭陽是爲五嶺

桂嶺 五嶺之一卽今桂山也

觀音巖 縣北二十五里石山聳翠乳竇天成故名知縣何天衡立佛置田召僧住持巖前建廳上司往來暫駐中伙在此

瀑布巖 在賀縣西五里

白土陂 在賀縣其土白膩可傳面嶺南婦女率皆用之又名鉛粉

賀水 在縣治發源於富川靈亭鄉南流至縣合臨水至封川入於南海

溫水 在賀縣凡二處一在南鄉洞一在里松鄉其泉有二三稍熱可洗身一極熱可燂脫豬雞之毛

臨水 在縣東南源出桂蔭南流至縣東與賀川合流而下

龍門灘 在縣東南八里寰宇記云水深百尋大魚自躍登此門化而爲龍不過者曝腮點額故又名龍溪

玉山泉 在縣西北其泉清澈如鏡達於大江四時不竭

沸水泉 在縣西二十里泉湧如沸灌溉之利甚溥昔有沸水寺基今鼎建瑞雲寺乃八景中沸水飛泉是也

龍井 在賀縣東一十里歲旱禱雨輒應

蓮花井 在縣進北門桂花坊水煮白米爲淡紅色如蓮花樣

欽定古今圖書集成方輿彙編職方典

第一千四百二十四卷目錄

平樂府部彙考二

平樂府山川考二

平樂府城池考

平樂府關梁考

平樂府公署考

職方典第一千四百二十四卷

平樂府部彙考二

平樂府山川考二

府志

荔浦縣

青山 去縣十五里山有雙石如魚名曰雙魚

石

獨秀山 在縣南三里即寶山

龍頭山 去縣北一里

中山 去縣北二十里

銀瓶山 在縣東十里

獨山 去縣二十里

延賓山 去縣十五里

火焰山 對江高數仞山峰疊出

聖山 在縣南一十里有巖中有石乳天久

不雨山頂忽霧淪然雨即至

鵝鴿山 去縣六里又云娥英巖巖有二層高

百丈第一層巖內有一石如鵝首狀孔中滴水

如乳天旱禱雨輒應宋甘叔異詩俗謂鵝翎未

必然娥英恐是古時傳溪聲流盡蒼梧淚斑竹

林中聞杜鵑明呂文峯詩夏日登臺快勝遊偶

聞田婦唱吳謳人題往事詩猶在石乳瑤瓊香

欲浮半榻餘杯攜客飲一盤殘局喚童收民貧

賦簡無他事時對娥英一勸酬

長松嶺 去縣五里山上有石類鷄冠亦曰鷄

冠山

望高嶺 在縣西一里係縣治龍脈

北關嶺 在縣北

長生嶺 在縣東

藍村巖 在縣東諸處景致多奇有似諸天佛

殿以石撞之聲如銅鐘廣闊四五洞但其巖洞

深黑遊者必須燃炬明知縣呂文峯詩云到處

名山不盡奇九天飛傍聽笙吹宮曉諸殿從空

下縹緲孤峯半壁垂雲壑泉清偏解暑石門芝

秀可充饑山靈原有前身約此日來遊証宿期

天門巖 在縣南五里舊名黃姜巖巖右旁有

一小洞如太極圖廣闊平夷有大石十餘倒地

如睡僧然宛若廣寒宮也名曰廣寒巖又有石

笋儼若神像前面一石如香案然名曰真武登

殿有一洞四圍皆石獨有一門可入恍若幽閨

洞府名曰幽閨洞府有一石如老人樣四圍石

皆網形從上懸下名曰漁翁撒網其洞口之深

達非一日遊玩之所能盡但沉黑耳

界牌峽 在縣北十五里即古之鎮鄧關

雙魚石 山有雙石如魚故名

荔江 在荔浦縣水色如荔故名荔浦水出柳

象二州及末福理定界會荔江出青山河經縣

前合流而東會於灘入於平樂即府江河也

東江 出末安州龍回里經縣前合荔水入於

平樂

山月江 在鷄籠南源至山月江合流而東會

荔水入於平樂

丹竹江 延賓江 二江源自上峒而出會荔

水合流入於平樂府

北門井 在壽山觀邊有泉湧出清冽異常冬

夏不竭邑居人多飲之

修仁縣

文筆山 在縣南二十里奇峯插天中列三台

爲學宮朝對山

觀音大座山 在縣西三里高數百丈

蘇山 在縣北五里高數百丈餘宋皇祐間知

縣狄遵誨討山寇於縣北十里山下夢蘇武神

因禱焉師捷請於朝即建廟祀之賜額順應因

名山曰蘇山前有一石壁水從上滴下凡有祈

禳或宰牛豕水從峽出如所幸之性應之壁下

一石上有馬蹄一馬膝二遺跡在焉遇旱則禱

雨於此

崇仁山 在縣南五里高數百丈有雲霧覆頂

風雨即至

羅仁山 在縣東三里廣輿記名獨山高千丈

巍然突立四圍皆懸崖峭壁惟南一穴可通山

巖上有桃樹多猿猴寇起居民緣梯而上以石

擊之莫敢犯者

駱駝山 在縣西一十五里以形似名

修仁山 在縣西二十八里縣因此名

官巖 在縣以弄村懸巖壁立巖在半山巖口

高數丈可容數百人高爽清潔別一洞天內有

一石踰踞儼似人水從石巖滴下石人頂上四

時不絕又有一小石生於巖後以石擊之聲響

如鐘內有石田界限劃然

象鼻巖 在縣東南碧潭溪洞內深數丈自丁

丑年洪水衝塞其巖若象鼻形故名

涼峒巖 在東鄉以弄村

天井嶺 在縣南十五里為縣發源之所上有

一壑寬丈許深數丈俗傳唐五代時有羅隱至

此

三峯嶺 在縣南二里為縣接脈之所

新寨嶺 在縣北半里名玉屏山為縣後座山

修江 在縣南郊外自滴水橋發源由鷄籠出

馬蹄村歷古峒經縣東出青山合荔水入府江

向可通小舟因洪水衝泛砂石壅塞遂不通舟

橫牆江 在縣南十里自崇仁山脚出沉沙口

歷老縣至接龍橋

昭平縣

五指山 在縣北五里寧化里樊家上屯為縣

主山衆山中特出五峰巖空內廣能容萬人巖

口填塞止留一孔出入四壁陡絕內江水穿流

昔曾征討聞其要害以致師出無功明萬曆四

年府江道徐作參將吳京復征之二伍都千長

潘積讓與撫臣委官王綱商計多方採取攻巖

之策時有屯賊內潰獻計取賞讓綱即捐銀五

十兩與之遂得其窟穴出入之路王召名木鐵匠

合木銃每銃裝火藥數十挑用石子於內埋伏

巖口以便攻取讓召坑夫挖之旬日而破環以

大銃攻之男婦斃者以萬計三征不破之巢一

旦入而搗之又於巖前立堡設兵五十名是今

日之有寧化里者巖破賊滅之所致也

玉坡山 在昭平里玉坡村形如頓笏高數十

丈左右山如八仙聚會狀上巖內有石類壽星

石乳下垂撞其聲一如鼓一如磬下有坡石如

白玉因名之

雷公山 在昭平里有池水魚蝦數百漢末

時有廖姓者於此修道飛昇俗呼齋公井

鯉魚上水山 在昭平里江仔口昔有仙人遇

廖秀森耕就森取飯森與食之曰吾乃賓仙此

地可卜佳城將此酬汝插荻為記即生花後因

葬之生慶慶慶復期俱為宦

葫蘆山 在二五都潘家寨南自麓至頂高五

里匍匐而上山頂平寬約畝餘突生一石畔有

臺昔飛來銅佛六尊都人歲祭之每遇早晴有

細沙瑩白焦乾巫人以法劍插入水即隨劍而

出乃因水之多寡卜雨之大小屢屢可驗

碁盤山 在縣南三里

紗帽山 在縣南一里為縣賓山後有一巖石

生彌勒佛一尊

獅子戲絛山 在縣東五里土名上求村內

羣仙聚會山 在昭平里山巔有平石似棋枰

時而雲烟擁罩風雨溼澤若有仙人坐奕故俗

呼仙會山

右店山 在縣南四十里

五將山 在縣南六十里

黃京山 在縣南一百五十里

古袍山 在縣南一百里

狀元山 在昭賢里昔有狀元隱於此故名

銅鼓山 在縣西二十里

金石腦山 在縣西八里

望高山 在昭平里峻可四望宋元間屯夷作

叛出擄人物鄉人瞻望於上寇至一呼舉方知

避

鳳凰山 在二伍都潘家寨後其山四視異形

東西雙翅北單翅南獨立巖有二石形肖尤酷

為一方雨旱之兆

蘇石山 在二伍都平原突起百丈瓊山鍾姓

世居中有一泉名燕泉按富川志舊名梭石嘉

靖八年賊叛難與各姓避亂於山被圍七日時

富川知縣金傑帶兵解圍撫衆嘆曰微此泉吾

民幾魚肉矣因更梭字為蘇字後名蘇石

汪頭山 在昭賢里頂有石蓮花一朵下清泉

井其水甘涼

馬鞍山 在昭賢巖內有石生觀音一尊

龜山 去北陀城三里長亙百餘丈北陀未征

時時常作祟自城池建後乃鳩壯士而擊其頂

遂息

蓮花山 在二五都曠野中起石山形如蓮瓣

環山有水俗呼出水蓮花

天門山 在馬江里通古連寇明嘉靖間賊首廖公蠻據此商民往來俱執器械今無恙焉

羅令山 在馬江里昔有僧衆立寺於高峯頂羅隱寓焉鐘鳴而食有日飯後而鐘隱失之遂題二語於石云先粥不鳴鐘和尚往西東將僧

鍋擲於江中今名鍋灣往來船隻常見鍋浮水面今寺址猶存

雙鳳凰嶺 在昭平里仙會山西一如雌一如雄上有青松奇木

龍頭嶺 在天門山下狀如遊龍飲水故名

珊瑚嶺 在昭賢里通二五都路

接米嶺 在文化里鳳立村後極陡峻

佛子巖 在昭平里巖口高十丈闊如之內可容十榻中起一石尊嚴如佛像前有香爐石旁穿穴門能居數十人積乳垂下巧踰雕畫真神工鬼斧之奇也

車記巖 在昭賢里巖內數十丈有石橋石鐘飛龍巖 在二五都潘家之後龍主山

北辰二星山 在北陀峽口兩岸石壁嶙峋聳整昂霄約三百餘丈

穿巖 在二五都其巖穿山二面光明可容數百人下有穿巖寺舊爲三百僧據此作叛剽平寺廢基址尚存

楊坡巖 在昭賢里內有生成石龜背仙跡存焉

仙巖 在昭平里巖內僕身而入內深潭沙洲

風雨時至間作音樂之聲焉

羊角巖 在二五都雙峯插漢山半一巖巖口有倒垂蓮三朵內分二間右較寬可容百人半壁石臺上形類佛未樂年貢士潘江潘清潘洛舉人潘濂父子讀書於中因名塑像有大士諸佛今稍頽矣

獨山巖 在縣北一百二十里巍然竄立周圍皆懸崖峭壁南一穴深三十步廣二十六步高千尋寇起居民緣梯而上俯視寇至以石擊之寇莫敢犯

犀牛巖 在寧化里傳有犀牛時出食禾一婦汲水偶見以竿逐之得其落毛歸與夫浮遊水不溺一日至龍巖探珠龍化一人趕至家陡發狂風村化爲湖其壻外歸見家成湖哭數聲龍逐壻至風水灣擊之今號爲龍潭極深無底

蓮花石 在思恩江中

磨刀石 在二五都土龍界嶺中沖水長流兩旁刀石星列舊爲上四屯賊出沒之路賊至此人各磨刀試其利鈍爲進退焉今磨痕猶在

明源江 在縣西出於金田至練灘入灘江

思恩江 在縣東源出富川丹霞峒流經白藁江至思恩廢縣與常峒濁水江合入府江

歸化江 在縣北

濁水江 源自賀縣盤石分水界東流爲賀縣沙田江西流爲濁水江由龍巖至大小梁十里會白藁江合流大小硤入思恩江一百二十里抵縣

富郡江 在馬江里源出賀縣流經馬江廢縣入府江

大硤小硤 在縣東一百二十里二硤俱山石橫生攔河濁水白藁流至此

大梁小梁 在縣東一百三十里石生橫江大梁寬六丈許小梁寬四丈許春夏微有水過石秋冬惟滲漏旁流從來舟楫難通至萬曆十一年地方牧宰後土族潘積議思興水利申請開鑿蒙府批准讓即捐資召匠將二梁鑿開石坎寬一丈許深三尺上下商船自縣通至二五都

都民喜其便利獨源淡河淺春夏鄉民堰水灌田船至開壩而水涸矣農商不能兩利以致通而復塞

上灘 在縣南源出鹽峒至於黃京入灘江

龍門灘 水深萬丈大魚登此門化爲龍不過者曝腮見乾坤萬國全圖

鯉魚潭 在寧化里凡遇旱禱無不立應

天池 在北陀城後又名峽口塘石山對峙潭水清澈水源湧出不涸

映龍泉 在昭平里泉從石中湧出清冷無比兼蘇疫癘不讓橋井

溫湯泉 在馬江里四時溫熱

鮎魚井 在濁水江邊湧泉長流鄉人遇旱至此祈雨即應

永安州

銀山 在州東北十五里有石如銀光耀奪目

蒙山 在州南三十里

天堂山 在州西北五十里上有煉丹仙迹百
里始至絕頂有桃數株實大而甘食之如蜜若
懷之下山即迷歸路至今傳之

三石山 在州西北十五里相傳有異人經遊
此山突見羣羊橫過舉箭射之一發三犯竟沒
其羽既而視之皆石也迄今箭痕尚在

石鼓山 在州治北十二里山頂有石如鼓間
或一鳴聲數十里鳴即有驚變之患

掛榜山 在州治南十里形如掛榜其年遇有
崩陷土見閃爍土子即登科第屢試有驗

鳳山嶺 在州東三十里遙望如錦屏
摩天嶺 在州東十里許相傳有童子牧牛其
上枕石而眠其嶺合雲氣蒸蒸直上忽伸手摩
天星辰可數尋被穿毀後不復然

千城巖洞 在州西北六十里杜莫寨旁萬竅
玲瓏其內又闢洞天若堂奧然光明異常

平峒 在三妹山州東五里
官巖洞 在杜莫寨山中約高丈許有石室極
其光明間作公館官長往往宿於此風雨所不
能侵

仙女洞 在杜莫寨三里景致可人雲氣常覆
石印盒 在州南十五里古眉灘頭高三尺大
二圍遇有砂擁其年州牧即有晉秩之榮

銀江 即遠銀山下注州城遙望水色如銀
眉江 在州南二十里灣曲如眉
蒙江口 在州南五十里即眉水下達五屯
峒口河 在州東北五里源出於三妹山東流

經州城 古皂河 在州西北三十里由石牛潭西流經
州城二水夾合

古碧泉 在州南二十里
神泉 在州城隍廟前
甘露泉 在州北七十里大路旁炎暑行人掬
飲不啻甘露且可驅疫

清風溝 在州北三十里
水利附 通志

本府 平樂縣附郭
思慈江 在昭平二里源出富川丹霞洞民築
陂堰灌田甚廣

洛江 歸化江 大小桐江
思底江 馬江 以上俱引水灌田

周塘 在東鄉里積水灌田
龍陂 壕陂 灌田三十餘頃

恭城縣水利無考
富川縣
白霞陂 在縣其水灌田

洲陂 在靈亭鄉灌田
賀縣
土山泉 在縣西北灌田甚多
沸水泉 在縣西二十里灌溉之利甚溥

白玉陂 在縣境
仇大陂 在縣文林鄉
頭陂 在信都鄉其水俱灌田甚溥
荔浦縣

浪陂 陽陂 義雷陂
大洞陂 以上俱坊郭里灌田之水

掛灘 沙地 沙洞
五龍 黃灘 上車 以上俱
架車取水灌田

馬頭 石幹 甘棠
陂頭 以上俱通津里堰水灌田

崩江口 大崙 富里
下龍 以上俱架車取陂水灌田

荔江 古錢灘 係宋蘇里堰水灌田
已承潭 廟塘潭 係架車取陂水灌田

修仁縣
大壩 在縣南十里由馬蹄江堰水入大圳灌
縣南周川里一帶田

馬蹄江堰水 灌縣西南田
榕木壩 在縣南八里出元頂山由東嶺大陂
頭堰水入大圳灌縣前大洞田

東陂壩 在縣東五里由修江至瀨灘堰水灌
東鄉一帶田

昭平縣
大神 旱冲 羊母
蓮塘 赤馬 里埠
秧家塘 弔陂 以上壩溝俱在昭平灌
田
井口舌窟 羊橋洞 背洞
新塘 寬菜塘 石園塘
龍巖 黃土 石角

潘虞大壩 以上俱在二五都灌田

山脚桃陂 大壬冲車陂 俱在招賢鄉灌田

狗牙陂 白沙陂 古袍陂

白石陂 春冲剛 以上俱在馬江里灌田

馬灘坪 黃姚陂 灌寧化里田

山兒脚 下灘 古峒

中峒 灌文化里田

羅旺 石脚 黃婆

茶冲 鴨橋 石仁

土城 九冲 以上俱灌灌恩來里田

未安州水利無考

平樂府城池考 府志

本府 平樂縣附郭

平樂府城池 東跨鳳山南瞰大江西北帶恭

城江唐武德八年徙樂州即今治其城則刺史

汪齊賢所築宋治平元年知州事汪齊重修其

城高二丈二尺廣輪一百四十六丈乾道間太

守葛永慶因寇警鑿州治後山為壕塹鐵鑊所

及皆有鑄甲土山斷處紅鮮如血趙嶠為守恐

泄旺氣欲覆其地不果元初詔毀天下城池昭

累被寇至正間監郡禿斯斂民繕石以城之功未就而去次年通守趙士元乃續完明初外寇時警洪武間知府李誼奏設守禦平樂所千百戶劉源等以舊城狹隘不足容軍請闢廣始甃以磚又增拓之高二丈四尺廣輪五百四十一丈為門三南曰安定西曰寧遠北曰鎮彝為成樓三敵樓冷鋪一十七間萬曆間知府歐陽東鳳見南門右北門左馬道城梁逼窄動支庫銀督工增高城梁開馬道計四百三十四丈重建三門城樓

皇清康熙六年總督兩廣部院盧巡撫廣西都察院金左布政使司李右布政使司王按察使司李兵備道胡平樂府知府王延綸推官歐陽動生各捐俸命知縣藍奮典修北門城樓一座敵樓二座康熙九年雷雨彌月城垣傾頽一十三處平樂府知府楊榮蔭知縣陳光龍捐貲修鳳凰樓後城垣一百一十五丈西北一帶馬道九處六十餘丈康熙十年又修南門城樓一座按府城惟灘水東注勢若建瓴而昭山以下恭荔合流地靈瀉而不聚昔郡守曾云城南兩山對峙江中為全郡水口若建一浮橋關鎖當大有利濟於平者鄭主亦云建橋有三利民無胥溺之苦一也輟軒無候濟之煩二也本郡有商船之稅有盤鹽之餉長江一瀉易於隱漏需橋以防開放三也

外州縣

恭城縣城池 南東西三面臨江而西面尤逼

江許北倚山際週圍城垣下以石砌上甃以磚為門三唐武德八年建置於鳳凰山下舊址猶存今名老縣基明成化年間知縣夏璋以鳳凰山下舊城屢遭水患據者民孟鳳麟等申請郡守賜冠改遷今治正德十六年兵備張祐以歲久傾圮發銀修葺拆去申樓用磚築砌并建東門鼓樓萬曆十年本府通判朱應辰署縣事見費宮逼近城址與弟子員各捐俸金移城開築萬曆三十三年知縣陳朝策拓西城關西門上仍蓋申樓工未竟知縣陳勇續完之

皇清康熙四年知縣張泰階重修康熙六年二月內又修葺城樓康熙八年冬九年春雪積雨霪土崩石潰吼裂如霆到處傾仆東門城樓及橋俱墮共倒城垣一百四十三丈七尺垛口二百七十三箇知縣曹林韻於康熙九年秋糾工庀材重新起築完竣南門曰迎薰東門曰朝陽西門曰文昌高一丈二尺廣二百七十七丈垛口五百五十四箇

富川縣城池 明洪武二十九年築周圍六百三十四丈高一丈八尺為門四東曰向日南曰迎薰西曰昇平北曰泰定門各有樓戍久城垣樓櫓傾頽殆甚明末屢經兵燹門樓燒燬無存皇清康熙十一年知縣劉欽鄰增修城垣重建東南西北四門樓城外池邊馬路修砌完固

賀縣城池 秦漢以前舊有土城為門四高二丈周七里宋因舊址以磚增築三尺為門三為樓四元初毀諸城惟此獨存明洪武二十九年

開設守禦千戶所軍至多疫俗以甌山形勢衝逼西門所致千戶王奎至申白其事用土石閉塞因廢其樓止存鎮遠寧建二門壕深七尺闊二丈五尺嘉靖十一年府江兵備道副使伍箕同本縣知縣王聰重修城計五百七十丈零四尺壕凡一千零七十有四角樓四守城窩鋪一十六間東築月城爲樓一兵馬司一南亦築月城爲樓一兵馬司一嘉靖十四年乙未夏五月大水泮城知縣陳試修葺至是仍開西門建樓一曰瑞雲爲兵馬司一尋復閉今

皇清仍舊制

荔浦縣城池 建自明洪武元年在縣治城南知縣馬祐所築濱江背山每賊來率自高上而下累爲所破景泰元年知縣伍繪乃遷今城周圍二百四十八丈高一丈八尺爲門二南曰迎薰北曰承恩萬曆九年增開東西二門東曰長春西曰阜城各有樓邑地最高俯臨城外不啻四五丈環繞無壕後因賊亂關廂無民遂塞東西二門

修仁縣城池 自明成化十七年築有東西南三門爲樓三座周圍二百零九丈高一丈八尺闊八尺女牆二百七十五梁窩鋪四間無壕

皇清因之康熙五年知縣李子實奉撫院檄捐貲修整

昭平縣城池 舊在西岸明成化間總督朱英所築寇陷降爲堡正德三年副使鄧岳遷堡城於東岸置守備司萬曆四年署縣徐經歷奉文

復建於西岸下石上磚高一丈七尺廣輪二百四十丈爲門三城樓四窩鋪八間
皇清順治十八年委署縣事郁之珍重建城無池南臨府江爲池東西北山石砂礫池故不鑿焉
永安州城池 明成化十三年建築設東西南三門其北逼近州治後故未開有門城高一丈五尺許周圍八百九十步四至未滿一里樓四座女牆四百四十九梁窩鋪八間四面無壕惟橫一溝自東決西各設柵引水由溝而入穿城內石橋下名喚官河復從西出灌田城門東曰宣化西曰鎮遠南曰未定北曰天一至
皇清順治十七年屠德隆補葺修理康熙五年知州鄧林尹重修

平樂府關梁考

府志

本府 平樂縣附郭

南關 在城外東南照潭岡下
北關 在鎮彝門外以上二關差人權稅
東安橋 在府城南關內俗呼通濟橋
通津橋 在西門外俗呼鐵爐橋
大通橋 跨考槃澗口
儒林橋 在府學西通龍池明宣德間建亭旁鑿池以潄水號曰涵清池

西安橋 在府城南門右俗呼獅子橋
靈濟橋 在五將廟前
桂嶺橋 在府東滴水巖左
望僊橋 在僊宮嶺右明萬曆間邑人陶明禮重建
石龍橋 在城北二里
魯溪橋 在筆頭鋪
長塘橋 在東鄉里
丫髻橋 在雲峒鋪
平橋 在北門外通城壕塘
駱家橋 在天妃宮左
攬勝橋 在魯班井左即大通橋
走馬橋 在大教場下七里
團山橋 在團山堡東
沙江橋 在沙江堡東
太平橋 在西河十五里係雙橋重建
廣善橋 在樂山路今重建舊名募婆橋邑人袁景星記
長壽橋 在樂山馬鞍山後重建有記
五里橋 在城北五里
馬山橋 在馬山嶺麓
盤龍橋 在沙亭右樂山路徑今重建
鄧家橋 在津平鄧家巖
石面山橋 在石面山前
南門渡 在東山寺前通易修永安官渡
密山渡 在府北十五里官渡
邊山渡 在津平里官渡

榕津渡 通富賀官渡

西門渡 在昭潭西俗呼令公渡官渡

鷓鴣渡 在府北四十里

滿家渡 在亭子脚民渡

驛前渡 在昭潭驛前

龍頭磯渡

恭城縣

虎口關 縣治西十里平樂縣界明曹志建

鎮峽關 在縣北六十里

高橋 在西鄉

巖山橋 在縣東四十里

清水橋 在縣南三十五里

柳枝橋 樟水橋 大市橋 俱在縣北

上答橋 下答橋 塘口橋 俱在西鄉

官橋 在縣治西

田家橋 在縣治西

偷馬橋 在縣治西二十里

竹搭橋 去縣治北二十五里

九板橋 去縣治北四十五里

大石橋 縣北六十五里

寡婦橋 縣北八十里

官潭渡 在縣東

常家渡 橫浦渡 俱在縣北

西江渡 在縣西

燕子巖渡 在縣南

穿巖渡 在西鄉

洋塘渡 在縣治北二十五里

江西渡 在縣北四十里

樟木渡 在縣治北五十里

丁灘渡 在縣治北十五里

石螺渡 在縣治北七十里

盧家渡 在縣治北七十里

西水渡 在縣治西三里

富川縣

東江橋 在城東

迴龍橋 迎鳳橋 寡婆橋 俱在城南

將軍水橋 在城東南

接龍橋 在城北

通濟橋 在縣南二里周侯建

下流橋 張教諭建

通儒橋 在縣南八十里

洞口橋 在縣東

南門橋 在迎恩門外

大源橋 在大源村

登瀛橋 在秀峰有記

富川津 在觀音閣前

鍾山渡 在鎮城外船一隻係民建

白霞渡 在巡司前康熙九年作木橋商民建

有記

夢田渡 在羊頭村

賀縣

浮橋 在縣東門外舊有橋屢廢嘉靖二十六年署縣布政司經歷朱鯨造船二十四隻繼以

鐵索隆慶五年夏月大水船盡漂流知縣陳試

修造一新商貨至此驗放納稅以充軍餉萬曆

三十二年知縣李文瀚重修有記明末廢壞

皇清順治十八年重修有記年久缺驗船多朽爛橋

爲阻絕康熙九年間知縣何標捐俸裝船八隻

餘船修驗堅固重整如舊焉

高明橋 在下營坊橋亭一鄉官董雲山有記

今存

朗江橋 在江東里今存

迎恩橋 在城北鄉官毛鶴修今存

尚義橋 在城北上關外義民金勝修今存

五里橋 本縣秀才車萬壽修今存

照壁橋 在南門外邑人袁寧建太學生張淮

記今存

馱橋 在信都鄉今存

登僊橋 在沸水寺萬曆三十四年鍾珍等全

建今存

獅子橋 在姜城鄉

桂花橋 在進賢坊

龍泉橋 在信都鄉

石馬橋 東江橋 俱在鎮濂門外

大江坪渡 官渡歲編渡夫一名工食銀二兩

七錢遇閏加銀二錢二分五釐即原野鴨村渡

林峒渡 官渡歲編渡夫一名工食銀二兩七

錢遇閏加銀二錢二分五釐即惠義橋萬曆初

年水漲傾圮設渡以利往來民無病涉

東江渡 在縣城外今設浮橋水泛漲撤橋乃

以舟渡

五合渡 在信都蜀口村原歲編渡子一名今

裁民渡

龍迴溪渡 在城西十里民渡今存

野鴨渡 在城西二里

荔浦縣

黃寨橋 在縣北十里

頂門橋 在縣南七里

菩薩橋 在縣西五里

龍園橋 在縣西北四里

太和橋 在縣東五里古傳魯班架造

滑石橋 在縣南八里即寡婦橋

利涉橋 在縣北二里

官潭渡 在縣東門之南

丹竹渡 在縣東十五里

延賓渡 在縣北三十里

以上三渡舊共編渡夫二名每名工食銀五兩

四錢共銀十兩零八錢

皇清順治十三年裁銀五兩四錢存銀五兩四錢遇

閏加銀九錢裁銀四錢五分存銀四錢五分

山月渡 知縣陳泗申革

沙江渡 在城北

修仁縣

蓮花橋 在縣

接龍橋 在縣西一里明崇禎間建

馬浪橋 在縣西四里古橋

老縣橋 在縣西三里古橋

呂村橋 在縣東一里明成化間造

昭平縣

攀桂橋 在縣西

貞風橋 在三烈祠右

錦龍橋 通濟橋 三連橋

龍灣橋 抵北橋 登流橋

步雲橋 利濟橋 以上俱在昭平里

萬通橋 明正德間造

羊橋 明成化間造

茶溪橋 明弘治間逸民鍾天紳造

新塘橋 土族潘積讓造俱在二五都

龍脊橋 在寧化里朱樊相國造

馬頭渡 在縣西

里埠渡 異路渡 俱在思勉江

峽口渡 在縣北

凌江渡 馬江口渡

明源渡 在縣西

富玉渡 上仰渡 下仰渡

永安州

鄧莫橋 在州前

攀龍橋 在峽口

杜莫橋 在杜莫寨

金帶橋 在州署前舊為立山縣通衢宋淳熙

八年建

接龍橋 在州北一里知州鄧林尹重建

東關橋 在州城東河

西關橋 在州城西河

鎮龍橋 在州城西關外昔建木橋歲久頽壞

今設渡船一隻知縣何呈秀捐建

石牛潭渡 在州北十里渡船一隻知州何呈

秀捐俸設立

古排河渡 在州城西北今設渡船一隻知州

何呈秀捐建

平樂府公署考

通志府志合載

本府平樂縣附郭

平樂府治 在南門內唐樂州故址洪武初通

判夏天啓鼎建萬曆中知府周祈重建正堂川

堂後堂陳啓孫增建堂後衙門堂室共四層堂

東為龍亭為庫為經歷司為清軍同知為糧捕

通判衙為撫彝同知衙西為未濟庫為理刑推

官衙為照磨衙左右為六曹廊儀門外左為賓

賓館後為土地祠右為司獄司大門外左右為

旌善申明二亭明末焚燼過半僅存大堂後堂

皇清順治十七年知府王延禔重修康熙八年知府

楊榮蔭鼎建頭門二門六曹廊賓賓館土地祠

十一年知府鄭長青鼎建後堂至是稍有規模

云

清軍同知衙 糧捕通判衙

經歷司 司獄司 俱在堂東

理刑衙 照磨所 俱在堂西今廢

布政分司 在城隍廟西明正德七年知府官